



Noa koda pelar asütsü südi!

Anungji pa aser par kibong tsümeütsüng nungi kümzüka asoshi pai tenladak ka yanglu aser pai terongba tenladak sabang nung tenla.

19



Tsüngremi Noa dang tezüngzüktepba tajung ka ayu. Aser aji oda meimchir asoshi tanaben atakatem masütsü.

20



Iba tezüngzüktepba temaitsü tsüngremi tongnügen yutsü.

Tsüngrem o alima matsünga tezüngzüktepba temaitsü tongnügenji liasü.

21



Noa aser parnok kibong, tsümeütsüng sülen tasen küma asentenshir liyonga ao.

22



Noa aser Tzümeütsüng



Oda liyonga aodang Noa nungi jakzüka aser par chirnur nungi jakzüka tem alima ajak ayimsünga ao. Alima nung aliba kintem ajak Noa aser par chir nungi

23

Noa aser Tzümeütsüng
Tsüngrem o nungi otsü ka, Laishiba,
yangi angutsü
Lipok 6-10
"Nü o aitba ajanga tesangwa agütsür."
Tenüngsang Ken 119:130

Tezülotsür Edward Hughes
Ratettsür Byron Unger; Lazarus
Meyipzüksür Naro Aochenlar
Yanglushitsür M. Maillot; Tammy S.
Otsü 60 nungi 3
M1914.org
Bible for Children, PO Box 3, Winnipeg MB R3C 2G1 Canada
Temelaba: Iba otsü nai copy asütsü mesüra menüngzüksü akok,
saka ayuktsü memelar.

Asenoki mapa tamajung inyakba Tsüngremi meteta lir, aser Pai iba mapa tamajung dang temenen ta ajar. Temenen ta-a ji tasüba.
Tsüngremi asenok oda meim nung Pai Pei ajaso chir Yisu agütsü, asen menen asoshi Pa kangki nung asü. Yisu tasü nungi shia aru aser Pa kotaki ao! Aser tanga Tsüngremi asenokdang asen menen tatok agütsütsü.
Na temenen lehang nungi meyipnera, Tsüngrem dang ya shiang: Temeim Tsüngrem, Yisu ni asoshi asü aser Pa tanaben taküm lir ta ni amanger. Yimlibelema kü takümi na aiding aser kü nem temenen tatok agütsüang, aji ang la aji ang la ni taküm tasen akatsü aser kenü anogo ni ne den arua tatem maka alitsü. Ni nü tashi angutsü aser na asoshi ne chir ka ama alitsü nai ni yariangma.
Amen. Yohan 3:16
Anogoshia Laishiba zügang aser Tsüngrem den jebiangi!

Ao



Noa Tsüngrem dak amangba nisung ka liasü. Saka nisungi Tsüngrem samba aser Pa tashi manga. Tsüngremi taoksatsü o ka Noa dang ashi, "Ni takum aliba ajak anüng Kübok nungi samatsütsü."

Saka ano Pai ashi, "Na aser ne chirtem, aser ne kinungtsü, aser ne jabasotem aser parnok kinungtsütem dang kümzüksü."

1

2

Tsüngremi Noa dang metetdaksü, tzümet süng tulu, alima nung aliba ajak nembanga arutsü. "Sung agi rong ka, na aser ner kibong aser shiruru aika asemtsüsa yangluang," ta ozüing agutsü.

3

Tsüngremi iba rong koda aser koma yanglutsü Noa dang ashi ser Noai ilunga rong yanglutsü tenzü.

4

Rong yangluba asoshi, ashiko nisungtemi Noa menütsür südi, saka Noai rong metitemi yanglua liasü. Ano pai nisungtem dang Tsüngrem indang jembi saka shingai manga.

5

Tsünglu talangka marui liaka pai Tsüngrem dak tamang tulu liasü. Aser kobi meli rong yangluzük aser tenüngdakba oset ajak rizünga enok.

6

Shirurutem rongi ai, Kibubai temeshi shiruru tapu shia nungi tenet-net aser memeshiba shirurutem nungi anana ta enok.

7

Ozü ajak tapu shia, tulu, tila, aser arem shiruru ajak tapu shia, tila aser talang, parnok ajak rongi ai.

8

Kodang Noai shiruru tem aniket, oda nisungtemi tatalaba o aika shir südi.

9

Parnoki maneni Tsüngrem tsüngdang tai mena aser parnok rong jagi atutsü masügdang.

10

Kodang shiruru aser ozüsangno ajak rongi ai, Tsüngremi Noa dang ashi, "Rong tulungi iang," "Na aser ner kibong." Noa, kinungtsü, jabaso asem aser parnok kinungtsütem rong jagi ai. Aser kibubai rong kishi shebang!

11

Iba sülen tsünglu aru. Anogo lirnü aser lir aonung alima nung tsünglu arudaksü.

12

Yimti aser yimtsüngtem tsümet süng agi süngadok. Kodang Tsünglu aruba anen, tenem talang ajak tzü telung nung liasü aser alima nung taküm tangula sashiba ajak asü.

13

Tsümet süng tashi ita akum aser rongji tsü manung pungdak. Oda rongji tamang aser tetsübut süka anokshir südi, saka rong jagi Noa tsümet süng nungi kumzük.

14

Ita pungu tashi tzü agi metsüngbanger, tsüngremi alima nung mopung ka suidaksü. Aser meyilongi rongji Ararat tenem nung anen. Tzü ano marem nung Noa anogo lirnü tashi rong telung nung ali.

15

Noai waro aser posü rong kichiba lapoker yok. Saka pei tetsüng asoshi tatemdak mangu nung posüji pa dangi tanaben meyiba aru.

16

Hopta ka lir, Noai tanaben posüji rong nungi yok. Aser posüji pa dangi nikongtsütsü, tebang nung oliv süngo ka mechizüka bener aru. Aser pai ano tenetnü atar posüji yok, kodang posü pa dangi meyiba maru idangji pai tsüji alima nung kongadokogo ta metet.

17

Tsüngremi Noa dang ashi, rong nungi tuguang. Anungji Noa, kinungtsü, jabasotem aser parnok kinungtsürtem aser shirurutem ajak rong nungi adok.

18